



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0038408 25
Travnik, 10.04.2026.godine

OPĆINSKOM SUDU U TRAVNIKU

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav I. Zakona o krivičnom postupku F BiH (Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14 i 74/20) podižem:

OPTUŽNICU

Potvrđena dana 16.04.2026.godine

Protiv:

A. G.,

Što je:

- a) Dana 17.09.2025.godine oko 10,25 sati u mjestu Dolac Ciglana Općina Travnik, u ugostiteljskom objektu Šenburn u kome se nalazi i sportska kladionica Bet-live sprječavao službenu osobu u obavljanju službene radnje, na način da je, iako svjestan svojih postupaka, kao i činjenice da su isti zabranjeni, te da mogu kod drugoga prouzrokovati štetne posljedice, što je i htio, pa je tako u momentu kontrole od strane policijskih službenika MUP-a SBK M. L. i L.B. , a nakon što je policijski službenik uočio da na pokazanom mu pasošu od strane osumnjičenoga, za vrijeme dok je još bio kod njega u rukama, su vidljivi tragovi praškaste materije, te nakon što mu je izdao naredbu da isti preda, kao i druge predmete koje je

tada počeo vaditi iz džepova odbio da postupi po izdatoj naredbi da preda predmete koje su mu oni uočili u šaci desne ruke, te iako svjestan da usljed njegovih postupaka može doći do povredjivanja i drugih lica ili oštećenja inventara u objektu i pristajući na to otpočeo naguravanje, dakle, pokušao spriječiti službenu osobu u obavljanju službene radnje,

Čime je počinio krivično djelo: „Spriječavanje službene osobe u vršenju službene radnje“ iz člana 358. stav 1. KZ FBiH u vezi sa članom 28. istog Zakona,

- b) Dana 17.09.2025.godine oko 10,25 sati u mjestu Dolac Ciglana Općina Travnik, u ugostiteljskom objektu Šenburn u kome se nalazi i sportska kladionica Bet-live ošteti tuđu pokretnu stvar, na način da je, u momentu kontrole od strane policijskih službenika MUP-a SBK M.L. i L. B., a nakon što je policijski službenik uočio da na pokazanom mu pasošu od strane osumnjičenoga, za vrijeme dok je još bio kod njega u rukama, su vidljivi tragovi praškaste materije, te nakon što mu je izdao naredbu da isti preda, kao i druge predmete koje je tada počeo vaditi iz džepova odbio da postupi po izdatoj naredbi da preda predmete koje su mu oni uočili u šaci desne ruke, te iako svjestan da usljed njegovih postupaka može doći do povredjivanja i drugih lica ili oštećenja inventara u objektu i pristajući na to otpočeo naguravanje sa policijskim službenicima, te mahanje rukama u pravcu policijskih službenika, uslijed čega je došlo do oštećenja inventara u bašti ugostiteljskog objekta Šenbrun i to visokog stola i stolice, odnosno pričinjena je šteta u iznosu od 200-300KM vlasniku objekta,

dakle, ošteti tuđu pokretnu stvar.

Čime je počinio krivično djelo: „Oštećenje tuđe stvari“ iz člana 293. stav 1. KZ FBiH i

- c) Dana 17.09.2025.godine oko 10,25 sati u mjestu Dolac Ciglana Općina Travnik, u ugostiteljskom objektu Šenburn u kome se nalazi i sportska kladionica Bet-live neovlašteno posjedovao opojne droge, na način da je, iako svjestan svojih postupaka, kao i činjenice da su isti zabranjeni, odnosno svjestan da se radi o zabranjenim materijama, suprotno odredbi člana 4 i 17 Zakona o spriječavanju zloupotrebe opojnih droga (Službeni glasnik BiH 8/11) kod sebe posjedovao opojna droga Amfetamin i Kofein upakovan u 5 pvc zamotuljaka, te jedna platnena crna vrećica sa sadržajem opojne droge Cannabis u količini od 1,388gr sa koncentracijom THC u udjelu većem od zakonom propisanog.

dakle neovlašteno posjedovao opojne droge

Čime je počinio krivično djelo: „Posjedovanje i omogućavanje uživanja opojnih droga“ iz člana 239. stav 3. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.